

清代筆記叢刊

郎潛紀聞

陳康祺著

上

卷之五

五

上

陳
康
祺
著

郎

潛

紀

聞

上海文明書局印行

郎潛紀聞序

余家守藏書性嗜雜覽童卯迄今廢讀之日殆可指數學未小成輒喜弄翰弱冠已前壇坫角逐摹揣韻格捃獵華腴夙所誦習蓋徒以自澤其文而惜於大義謬獲名譽旋亦悔之既又掣究訓故溫習經義舉凡乾嘉鉅儒東南耆碩號為漢學演習與怡者什九汎覽搜殘舉碎時有饌述憾未能淹貫精博尋復棄之甲科通籍自請為郎妄意依流平進樞垣臺諫尚非夢想顧不可靡所儲蓄備官未聞乃益練習吏治兵制河漕鹽法尋討利病銳意世用又嘗默究天人靜念身世始生之歲海上兵起墳墓之鄉島夷錯居橫流滔天匪可坐視則又羅列書史旁逮雜家盟聘和戰印證失得渤澥形險荒裔紀載啟門人海目營心維條件掇拾猶可玩索而仕宦速蹇適會選部兩更舊例浮湛十年雖由人齟詎曰非命於是投牒乞外俛首鹽車而芻論罪言不可復出矣作縣虞東職業清簡行篋舊作料理彫鐫率皆胜說短書無關閤旨郎潛紀聞者余官西曹時紀述掌故之書也多採陳編或詢耆耆非有援据不敢率登刪併排比約可百卷姚君福均虞之宿學不鄙弁陋辱蒙校讐觸諱忤時力請刪削編十四卷為初筆二筆已下踵付梓人是書隨筆纂載間附鄙論先後凌雜不

類不次區區之意蓋將出其叢殘就正大雅矜鍊修補姑待異時本非完書故義例可畧也嗟乎余年四十有一矣玄髮將改官學不進百里小試兢兢恐墜編刻之業才士優為平生志業百未一申濡筆寫懷不其媿已光緒六年冬康祺識

郎潛紀聞目錄

卷一二十八則

卷二四十三則

卷三五十九則

卷四五十八則

卷五五十六則

卷六六十五則

卷七五十八則

卷八六十四則

卷九四十八則

卷十四十五則

卷十一五十則

卷十二四十八則

卷十三四十二則

卷十四三十七則

卷十四三十七則

郎潛紀聞卷一

清 鄧陳康祺著

康祺於同治六年鄉舉後以貴為刑部員外郎十年成進士四月二十一日恭奉

大對翼日由翰林院帶領引見 穆宗皇帝方御養心殿延納多士時 聖壽十有

六歲仰觀 龍顏河日如日方昇恭默中有嚴毅之色私幸 中興令主儀表端凝

他日景福洪祺當與 聖祖 高宗接武越癸酉甲戌臣康祺兩次奉派陪祀 郊

壇凡 聖躬拜獻登降均由甬道步行咫尺 天顏瞻仰尤為親切竊見 堯腊禹

胙丰采消鑠蟣蝨下士謬抱杞憂明年冬 鼎湖弓劍竟棄臣民八音遏密矣良由

大政親裁日乾夕惕庫藏有罄竭之慮修攘鮮倚毗之人 幾務過勞沴災偶會

無疆之祚中道登遐彼保傅令僕備位尸素不克分 君父之憂固當引為己咎若

方技小臣走奔贊御豈足責哉

時言官中有請罪 卿醫李德立及嚴德近侍者故附紀及之

軍興以來漢臣得大學士者多以疆臣受鉞彌難賊氛勞勩尤多遂膺爰立若駱文

忠曾文正暨今湘陰相國諸公雖未一日內召而豐功茂伐彪炳琅書儻入贊綸扉

其相業必有可述滿臣若官文忠者不必有赫赫之功而推賢任能度量越衆然亦

仕京朝之日少。居閩外之日多。至於倭文端之守正不阿。清操絕俗。文文忠之匪躬盡瘁。馴擾強蕃。方之姚宋忠唐。范韓翊宋。殆無慙色。咸同二朝名宰相彬彬盛矣。合肥伯相。當統師東下。規復三吳。亦自果毅堅貞。克紹曾門衣鉢。轉旆討擒。收效尤神。自近年坐鎮畿皋。毗倚愈專。時艱愈棘。中外臣庶。瞻仰愈切。而責亦復愈叢。此正天意磨厲賢相之時。事會難知。功名未艾。想望丰采者。不敢遽加論贊也。

自咸豐季年。中西重立和約。朝廷祇設總理衙門。堂司各官如軍機處例。泰西諸國均於都城列使幕。事言呢雜。部族蕃多。戢暴馴頑。頗非易易。總理衙門大臣增添至十數人。多書生不諳邊務。近十年中賴文文忠公。篤棊忠清。宣布威德。五省通商。懂得無事。今蓋臣騎箕。戎心日肆。萬一交聘啟隙。市馬生嫌。屈指臺省諸公。瀛海長城。未知誰屬。時艱蒿目。遲莫自傷。中夜占星。淚如鉛墮。詩曰。肆不殄厥愠。亦不隕厥問。若文忠者。或庶幾焉。

同文館者。聘西人為教授。凡中國縉紳至齊民家聰穎子弟。均許投牒赴館學習。天文勾股造船製器諸法。月有課。歲有會。其尤雋異者。優其廩餼。獎以清秩。蓋官途之終南也。當叔議初。樞府諸公。擬選閣部翰林院五六品以下官。送館肄業。御史張

盛藻疏奏。謂天文句股。宜令欽天監五官正天文生。擘究製造工作。宜責成工部考校。文儒近臣。不當崇尚技能。師法夷裔。奏入。樞臣堅持初議。時倭文端公。方以首揆掌院。偶有違言。遂疑倭公迂濶沮大計。迺奏派公充同文館大臣。公策蹇蒞任。忽墮馬。以足疾請急。而部院庶僚。亦自以下喬遷谷為耻。迄今十餘年。尚無儒衣冠入館者。嗚呼。倭公誠理學名儒。狂瀾砥柱。在樞廷諸老。或亦深思熟計。志在自強哉。

喇嘛一教。較浮屠天方。尤為誕固。其人狡悍陰鷲。飲酒食肉。被服鮮麗。習技擊。娶婦女。無復戒律。其中又有紅教黃教之別。黃教能畫符治病。唸經咒。紅教至能攝人生魂。睚眦之讐。咒詛立死。其演法則有跳布札放烏卜藏諸技。其唸經則有吉祥天母大游戲迎新年龍王水寶匣沐浴諸名目。其皈依釋迦金剛毘盧藥師無量壽諸佛。則又似與浮屠同出。其髡首不蓄髮亦同。定例凡祈禱雨雪。救護日月食。皆令演法。唸經。而長年承應。內廷者。至數十百人之衆。出則橫行街市。莫與誰何。糜帑惑民。於義無取。蓋本朝龍興之初。喇嘛效順最早。而其術盛行東土。又夙為蒙古諸部落所崇信。故優禮彼教。政以羈縻外藩。不虞相沿至今。祀典慶典。參預日多。駸駸乎欲淆秩宗之大禮。二百年來言事諸臣。惜無建議裁抑者。

八旂子弟。爲我朝豐沛舊人。二百年來。奉養深恩。淪浹肌髓。自從龍羣彥。闢土斬荆。名王鉅帥。聲烈烜赫。厥後戡定三藩。洗盪西域。旂兵勦伐。亦炳炳在綠營上。嘉道已後。威望稍損矣。然平定粵匪之役。雖滿營騎射。用違其長。而若武壯公烏蘭泰。忠武公塔齊布。忠勇公多隆阿。及今盛京將軍都興阿諸公。忠貞撲勁。屢推狂寇。擲風醜雨。始終戎幕。實不愧免置材武之選。豐鎬故家之道。其所統飲飛羽林。以及牧馬健兒。打牲部落。紀律嚴整。亦足與湘淮兩軍爭旌旗壁壘之色。至於賊蹤所及。直省駐防各營。臨難不苟。忠節如林。其最著者。咸豐三年二月。賊竄金陵。將軍忠勇公宗室祥厚。副都統果毅公霍隆武。力扼滿城。相持兩日夜。血戰捐軀。十年二月。杭州淪沒。將軍忠壯公瑞昌。副都統果毅公傑純。勒兵死守。鏖戰六日夜。卒復省垣。十一年十一月。全浙糜爛。杭州復失。駐防城尚堅持四日。傑公戰死。瑞公縱火自焚。兩省之陷。滿兵皆視死如飴。萬衆同命。雖婦人稚子。無一偷生草間者。忠義之氣。上耀三光。下垂無竟。亦足見聖祖神宗股肱臣僕之報已。

咸豐八年。關節案發。首輔棄市。少宰戍邊。內外廉官及京兆闡新中舉子。軍流降革。至數十人之多。可謂科場大獄矣。相傳刑部定讞時。文宗皇帝以大學士柏葰早

正揆席勤慎無咎。且株連過衆。聖意不樂窮治。而端華肅順方用事。肅又官司冠。因得挾刑律與天子爭。蓋肅順屢有憾於柏。而朝臣中起家科目者。又其素所白眼也。九年二月十二日。文宗御勤政殿。召見王大臣等。正諸臣玩法之罪。天顏慘沮。殆亦以通榜有憑。難於曲宥。爾時監視行刑者。為肅順及趙大司冠光比。穆宗登極。肅益跋扈難制。兩宮震怒。臚列逆跡。付廷議。罪在不赦。蓋肅甫及三年。權勢熏灼之堂上官。亦復囚衣赴西市。其監視行刑者。仍趙大司冠也。尋有旨復柏後原官。並加恩錄其後人。噫。共驩頑讒。並育於堯天。而誅殛於舜世。聖作明述。仁至義盡。臺省諸公。尚其知感知畏哉。

科場一案。為御史孟傳金舉發。衆皆咎其多言。然嘉道已還。公卿子弟幾視巍科為故物。自戊午興大獄。而朱門後起之秀。始知束身安分。不致妨寒畯之進身。惟近三年來。兩宮吉地。先帝陵工。以及實錄玉牒諸館。偶效微勞。每邀殊寵。若輩多捐納閣部官。存保顯秩。並不必區區甲乙科矣。

咸豐三年。粵寇自武昌下竄。俘掠五十萬人。蔽江東來。帆檣如薺。吳頭楚尾。千里無堅城。陸建瀛方總制三江。新脩節鉞。奉命出境籌防。駐武穴下之老鼠峽。鋒刀未

交掩旗宵遁。長江天險。至不能一日守。金陵龍蟠虎踞之區。雄師霧屯。芻糧山積。士女登陴。咸誓死守。乃未及半月。遽為儀鳳門地雷所乘。賊據為偽都。歷十餘年不能猝拔。江蘇六合縣。以濱江僻邑。孤縣賊中。百戰解嚴。屢摧劇寇。故時有紙糊南京城。鐵鑄六合縣之謠。守禦之道。豈不在得人哉。時知縣事者。為湖北溫壯勇公紹原。陸制軍鄉里也。積功擢道員。充江南大營翼長。仍留防六合。固守六載。至八年九月。揚州再失。賊勢益張。憤六合官民甚。糾大隊狂賊圍城。紹原激厲士卒。割衫嚙指。草血書。上勝帥乞救。不應。糧盡援絕。城遂陷。紹原率妻王氏。次子輔材。冢婦陳氏。投水以殉。城中共事者。新選六合縣李守誠。總兵羅玉斌。知縣馮明本。典史葉林奎。都司王家幹。夏定邦。守備余承恩。城守千總海從龍等。皆巷戰陣亡。罵賊不屈。吁。睢陽忠節。長耀江淮。彼河北二十四郡。望風瓦解。何竟無一人鬚眉哉。

國朝定例。文職五品以下。不得縣帶數珠。翰林院官無所區別也。自雍正三年。御門聽政。始派翰林編檢四人侍班。乾隆二年。上以翰林班在科道前。科道掛珠而翰林獨否。不足以肅朝儀。特諭修撰編檢一體縣掛。令翰林不兼講官者。例不侍班。猶沿此制。

圓明園為前明懿戚徐偉別墅舊址。康熙間名暢春園。世宗在潛邸時。聖祖命於園中闢地築室。以為世宗讀書之所。並賜名圓明。雍正後遂無復暢春之稱矣。園距平則門二十里。列聖避暑巡幸。歲駐蹕數月。以為常。咸豐庚申。西事孔棘。津門被兵。靈囿曲臺。付之回祝。我文宗皇帝在天之靈。有隱恫焉。同治初政。滿御史有建議修復者。嚴旨切責。十一年。廣東奸民李光煦。覬覦富貴。具呈內務府。請報効木植。重修淀園。穆宗聖孝邁恒。正思兩宮聽政過勞。無娛遊休息之地。因俯從光照請。其實光照一貧子。冀以近侍為護符。得遊歷川楚江浙諸產木之區。勒索肥己也。幸聖智如神。卒破奸詭。置光照於法。民間獲免騷擾。當園工議興。中外錯愕。臺諫中惟沈桐甫侍御准。首上書力爭。上震怒立召見。諭以大孝養志之義。沈素呐呐。青蒲獨對。懾於天威。但連稱興作非時。恐累聖德而已。沈退朝過余。余曰。上聖明。文宜補草一疏。剴切和平。必迴天聽。大畧謂天子以天下養。凡可以博親懽者。何敢顧惜帑項。然淀園之毀。非由天災。今時事艱難。仇人在國。即庫藏充溢。亦不當遽議興修。皇上之意。原為兩宮頤養起見。但臣恐園工落成。兩太后入居其中。反覺愀然不樂。願皇上自彊不息。時時以繼志述事為念。則所

以仰慰 文宗及 兩宮皇太后。於孝道尤為光大云云。如此立言。上必感悟。沈丈深韙余言。擬次日削稿。又次日封上。嗣聞游侍御百川者。袖疏建諍。謬謬數百言。聲震殿瓦。上雖未遽收回成命。而慙直犯 顏。不加譴責。長楊五柞。卒罷經營。鳴鳳朝陽。不誠 聖朝盛事哉。

康熙三十六年。聖祖親征厄魯特噶爾丹時。凡所過童山沙磧。不生草木之區。至是淺草蒙茸。六軍游牧如內地。偶乏泉水。上相地疏鑿。甘泉溢涌。會飲馬川西。忽得明成祖勒銘紀功之石於水厓。濯而視之。中有永清沙漠語。上曰。真永清矣。是舉果掃穴犁庭。威震域外。蓋 萬乘親臨。百神環衛。國初聲教所被。固宜保塞稱藩者。享王恐後矣。

韓城王文端公杰。乾隆二十六年進士。殿試進呈時。閱卷諸臣置公卷第三。上親擢第一。蓋公夙在尹文端公幕中。司奏摺。高宗識其字體。嘗蒙 嘉獎也。本朝陝西人得鼎元自公始。公自通籍至參政。握文衡者十二次。其間督浙學三任。督閩學兩任。而丁未己酉庚戌四年之間。三充會試正總裁。尤為異數云。阮文達編公年譜。稱公服官四十年。貧如為諸生時。有門生自外任歸。餽金為壽。公曰。曩吾與若

言何如。今受若餽。如所言何。公忠貞亮直。相業有聞。即此一端。亦可見兩朝恩遇有自來已。

定例凡壽民壽婦年登百歲者。由本省督撫題請。恩賞。奉旨給扁建坊。以昭人瑞。攷乾隆二十六年。廣東南海縣民楊能啟。年一百歲。其妻黃氏。年一百一歲。三十五年。安徽太湖縣民朱憲章。同妻劉氏。年俱一百歲。四十五年。安徽亳州縣民陳洪如。年一百六歲。妻王氏。年一百一歲。均蒙純皇帝御製詩章。渥加寵賚。又二十七年。山東章邱縣民王欣然。年一百三歲。其弟王瑞然。年一百歲。五十五年。山東清平縣民張玖。同弟張珩。均年逾百齡。亦蒙特旨旌表。夫期頤上壽。振古稀逢。至以一家骨肉之親。同膺百歲。延洪之算。又恭值高宗純皇帝御宇周甲。五世同堂。曼福洪祺。君民同慶。則誠昇平嘉話。壽寓祥徵。書契已還。於斯為盛者也。

乾隆二十三年。巡幸木蘭。舉秋獮禮。布魯特使臣來朝於布固圖昂阿。先是乙亥平準夷噶爾藏多爾濟等。丁丑哈薩克使臣根札爾噶喇等。皆來朝於此。爰賜名其谷曰伊絲。伊絲者。國語會極歸極也。

朱竹君學士筠。為翰林時。高宗方詔求遺書。公奏言翰林院庫藏明永樂大典。中